

ՀԱՄԱԺՈՂՎ

ԸՆԴԳԾՎԵՑ ՊԱՇՏՊԱՆՈՒՆԱԿՈՒԹՅԱՆ ԲԱՐԵՓՈՒՄԱՆ ԻՐԱԿԱՆԱՑՄԱՆ ԱԶԱԿՑՈՒԹՅԱՆ ԿԱՐԵՎՈՐՈՒԹՅՈՒՆԸ

Փետրվարի 13-ին Վրաստանի վարչապետ Գիորգի Գախարիան, Սյունխենի անվտանգության հարցով ավանդական թվով 56-րդ համաժողովի աշխատանքին մասնակցելու համար, աշխատանքային այցով մեկնեց Գերմանիա: 40 պետությունների ղեկավարների եւ բարձրաստիճան պաշտոնյաների մասնակցությամբ:

Սյունխենի՝ 2020 թվականի անվտանգության համաժողովի շրջանակներում քննարկվելու են առկա ճգնաժամների եւ անվտանգության մարտահրավերների, կլիմայի փոփոխության, միջազգային առևտրի եւ տեխնոլոգիական առաջընթացի հետ կապված հարցերն ու դրանց լուծման ճանապարհները:

Երեկ փետրվարի 14-ին, Սյունխենում Վրաստանի կառավարության ղեկավարը անցկացրեց մի շարք երկկողմ հանդիպումներ: Մասնավորապես, Գիորգի Գախարիան հանդիպում ունեցավ Ամերիկայի Միացյալ Նահանգների պաշտպանության քարտուղար Մարկ Էսպերի հետ: Զրույցի ընթացքում ընդգծվեց ԱՄՆ-Վրաստան արդյունավետ երկկողմ համագործակցությունը եւ ԱՄՆ-ի կարեւոր աջակցությունը պաշտպանության բարեփոխման իրականացման ու անվտանգության գործում:

Նշվեց, որ ռազմավարական գործընկերության եւ անվտանգության ոլորտում համատեղ ջանքերի արդյունք է, որ գոյություն ունի անվտանգության համագործակցության շրջանակ, ինչպես նաեւ Վրաստանի պաշտպանության պատրաստակամության ծրագիր (GDRP), մարտական ու-



սումնական կենտրոն:

Վրաստանի վարչապետը Պենտագոնի ղեկավարին շնորհակալություն հայտնեց պաշտպանության ոլորտում Վրաստանին կարեւոր ֆինանսական աջակցություն ցուցաբերելու համար եւ հայտարարեց, որ կառավարությունը կրկին ՆԱՏՕ-ի չափանիշներին հավատարիմ է. պաշտպանության ոլորտին կուղղվի ՀՆԱ-ի 2%-ը:

Կողմերը գրուցեցին Վրաստանի պաշտպանության ուժերի զարգացման 2020-2030 թվականների ծրագրերի մասին, որոնք ներառում են կոնկրետ քայլեր երկրի պաշտպանության հնարավորությունների երկարաժամկետ զարգացման համար:

ԸՆՏՐՎԱՆ ՕՐԵՆՍԳԻՐ

ՎՐԱՍՏԱՆԻ ՆԱԽԱԳԱՅԸ ՀԱՆԴԻՊԵԼ Է ԱՐԵՎՍՏՅԱՆ ԵՐԿՐՆԵՐԻ ՄԻ ՀԱՐՔ ԴԵՄՊԱՆՆԵՐԻ ՀԵՏ



Փետրվարի 14-ին իշխանությունների եւ ընդդիմության միջև երկխոսությունը վերսկսելու հարցով Վրաստանի նախագահ Սալոմե Զուրաբիշվիլին անցկացրեց հանդիպումներ:

Վրաստանում Եվրամիության դեսպան Կառլ Հարցելի, Եվրախորհրդի դեսպան Կրիստինա Ուրսենի, ԱՄՆ դեսպան Քելլի Դեզանի եւ Գերմանիայի դեսպանի պաշտոնակատար Միխայ-

քական երկխոսության եւ հաշտության գործընթացին ներգրավելու կապակցությամբ, մեկ անգամ եւս հայտնել է իր պատրաստակամությունը:

Կողմերը տեղեկություններ են

ել Ֆաբրիցիոսի շնորհակալությունները Վրաստանում ընթացող գործընթացների վերաբերյալ, եւ նախագահը վերահաստատել է քաղաքական երկխոսության ու հաշտության գործընթացներին ներգրավելու իր պատրաստակամությունը:

Այդ հարցով հանդիպում անցկացրին նաեւ «Վրացական երազանք-ժողովրդավարական Վրաստան» կուսակցության գլխավոր քարտուղար Կախա Կալաձեն եւ կուսակցության գործադիր քար-

(Շարունակությունը՝ 2-րդ էջում)

ԻՇԽԱՆՈՒԹՅՈՒՆ-ԸՆԴԴԻՄՈՒԹՅՈՒՆ. ԲԱՆԱԿՑՈՒԹՅՈՒՆՆԵՐՆ ԸՆԴՀԱՏՎՈՒՄ ԵՆ...

Ինչպես արդեն հաղորդել ենք, 2019թ. նոյեմբերի 14-ին Վրաստանի խորհրդարանի կողմից 2020 թվականի խորհրդարանական ընտրությունները միայն համամասնական ընտրակարգով եւ գոյական ընտրաշեմով անցկացնելու մասին սահմանադրական փոփոխության տապալումից հետո, միացյալ ընդդիմությունը սկսեց բողոքի ակցիաներ:

Վրաստանում հավատարմագրված եվրոպական երկրների դիվանագետների միջնորդությամբ, կառավարող «Վրացական երազանք» կուսակցության եւ միացյալ ընդդիմության ղեկավարների միջև անցկացվեցին հանդիպումներ՝ ընտրական օրենսգրքի փոխընդունելի տարբերակի մշակման նպատա-

կով: Ի պատասխան միացյալ ընդդիմության կողմից առաջադրած ընտրական համակարգի այսպես կոչված «գերմանական մոդելի», «Վրացական երազանքը», դիմելով գիշումների, առաջադրեց 100/50 (100 մանդատը համամասնական, 50-ը՝ մեծամաս-

(Շարունակությունը՝ 4-րդ էջում)

ՎՐԱՍՏԱՆ - ՀԱՅԱՍՏԱՆ

ՀԱՆԴԻՊՈՒՄՆԵՐԻ ՕՐԱԿԱՐԳՈՒՄ ԵՐԿԿՈՂՄ ՀԱՄԱԳՈՐԾԱԿՑՈՒԹՅԱՆ ԽՈՐԱՑՄԱՆ ՀԱՐՑԵՐՆ ԷՆ

Փետրվարի 11-12-ը երկօրյա աշխատանքային այցով Վրաստանում էր գտնվում Հայաստանի տարածքային կառավարման եւ ենթակառույցների նախարար Սուրեն Պապիկյանը:

Այցի շրջանակներում, հայաստանյան հյուրի հետ հանդիպումներ ունեցան Վրաստանի փոխվարչապետ, տարածաշրջանային զարգացման եւ ենթակառույցների նախարար Մայա Ցքիտիշվիլին, էկոնոմիկայի եւ կայուն զարգացման



նախարար Նաթիա Թուրնավան:

Մայա Ցքիտիշվիլու եւ Սուրեն Պապիկյանի հանդիպմանը քննարկեցին երկու բարեկամ երկրների փոխգործակցության տարբեր ուղղություններին առնչվող արդիական հարցերի լայն շրջանակ: Մասնավորապես, կողմերը անդրադարձան վարչատարածքային բարեփոխումների բնագավառում ձեռնարկված միջոցառումների արդյունավետությանը, համայնքների միավորման եւ ապակենտրոնացման սանիտարա-հիգիենիկ ոլորտներում փորձի փոխանակման հնարավորություններին, որոնք Վրաստանում ունի զգալի հաջողություն, ճանապարհային ենթակառույցների ոլորտում՝ Դեբեդ գետի վրա, Սադախլո-Բագրատաշեն անցակետի տարածքում մոր կամրջի կառուցման ծրագրի արդյունավետ իրականացմանը:

Հանդիպմանը կողմերը կարելի էր երեցին սահմանային Սադախլո-

Բագրատաշեն անցակետի տարածքում՝ Դեբեդ գետի վրա նախատեսվող Բարեկամության կամրջի նախագծային աշխատանքներում երկկողմ ներգրավվածությունը ակտիվացնելու եւ նախագծի հաստատման գործընթացը արագացնելու ամրապնդմանը ու ծրագրի հաջողության պարագայում վերջինիս ռազմավարական կարեւոր նշանակությունը երկու երկրների եւ տարածաշրջանի տրանսպորտային հաղորդակցության համար:

Ջերմ ու անմիջական զրույցի ընթացքում, կողմերը կարեւորեցին, փոխվարչապետի մթնոլորտում առկա ներուժի առավել արդյունավետ օգտագործման միջոցով, հարաբերությունների շարունակական զարգացումն ու ընդլայնումը:

Նաթիա Թուրնավայի եւ Սուրեն Պապիկյանի՝ Վրաստանի էկոնոմիկայի նախարարությունում (Շարունակությունը՝ 2-րդ էջում)

ՀԱՅԱՍՏԱՆԻ ԶԻՆՎԱԾ ՈՒԺԵՐԻ ԿԱԶՄԱՎՈՐՄԱՆ ՏՈՆԻՆ ՆՎԻՐՎԱԾ ԸՆԴՈՒՆԵԼՈՒԹՅՈՒՆ ԹԲԻԼԻՍԻՈՒՄ

Փետրվարի 12-ին Վրաստանում Հայաստանի դեսպանությունը, Հայաստանի Զինված ուժերի կազմավորման տոնի առիթով, Թբիլիսիում կազմակերպել էր պաշտոնական ընդունելություն:

Ընդունելությանը ներկա էին Հայաստանի տարածքային կառավարման եւ ենթակառույցների նախարար Սուրեն Պապիկյանը, Վրաստանի պաշտպանության փոխնախարար Դավիթ Սուշաշվիլին, Վրաստանի Զինված ուժերի Գլխավոր շտաբի պետ, գեներալ-մայոր Վլադիմեր Չաչիբախան, Վրաստանի արտաքին գործերի նախարարության պաշտոնյաներ, Վրաստանում հավատարմագրված դիվանագիտական ու ռազմա-դիվանագիտական կորպուսի ներկայացուցիչներ, Վրաստանի խորհրդարանի պատգամավորներ, հոգեւոր դասի եւ վիրահայ համայնքային կա-

ռույցների մի շարք ներկայացուցիչներ:

Ողջույնի իր խոսքում Հայաստանի տարածքային կառավարման եւ ենթակառուցվածքների նախարար Սուրեն Պապիկյանը նշեց, որ Հայաստանի անկախացման, պետականության կառուցման ու կայացման ամենակարեւոր դրվագներից մեկը հայկական բանակի ստեղծումն էր:

Վրաստանում Հայաստանի ռազմական կցորդ, գնդապետ Մեսրոպ Նազարյանն անդրադարձ կատարեց օրվա խորհրդին ու հայոց Զինուժի դերին ու նշանակությանը, ինչպես (Շարունակությունը՝ 2-րդ էջում)

Շարաքից շարաք. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԻՐԱՎԱԿԱՆ

ԹԲԻԼԻՍԻ ՆԱԽԿԻՆ ՔԱՂԱՔԱՊԵՏԻՆ ՍԱՅՄԱՆԿԵՑ ԵՐԵՔ ՏԱՐՎԱ ԱԶԱՏԱԶՐԿՈՒՄ



Վրաստանի Գերագույն դատարանը «Եվրոպական Վրաստան» կուսակցության առաջնորդներից մեկին՝ Գիգի Ուզուլավային, մեղավոր ճանաչեց Թբիլիսիի զարգացման հիմնադրամի գործով եւ դատապարտեց երեք տարի ու երկու ամիս ժամկետով ազատազրկման:

Նշենք, որ դատարանը որոշել էր նրան դատապարտել 9 տարով ազատազրկման, սակայն, հաշվի առնելով համաներման մասին օրենքը եւ այն փաստը, որ Գիգի Ուզուլավայն այլ գործով արդեն պատիժ էր կրել երեք տարով, նա այժմ դատապարտվում է երեք տարի երկու ամիս ժամկետով ազատազրկման:


Հիմնադրամի գործով պետական մեղադրողը Գիգի Ուզուլավային մեղադրում էր Թբիլիսիի զարգացման հիմնադրամից 48 միլիոն լարի յուրացման

մեջ: Դատախազության տվյալներով, այդ գումարը 2011-2012 թվականներին ծախսվել է այդ ժամանակ կառավարող «Ազգային միասնական շարժում» կուսակցության համակարգողներին ֆինանսավորելու համար: Այն ժամանակ Ուզուլավայն կուսակցության անդամ էր:

Փետրվարի 10-ին Ուզուլավայի ձերբակալման կադրերն ուղիղ թերթով ցուցադրել է Վրաստանի «Ռուսթավի 2» հեռուստաընկերությունը: Գիգի Ուզուլավային արդեն տեղափոխել են ՍՊ պատժակատարողական հիմնարկ՝ այսպես կոչված Մատրոսովի բանտ: Ուզուլավային բանտ են տեղափոխել ներքին գործերի նախարարությունից, ուր նա անձամբ էր ներկայացել:

Հիշեցնենք, որ Գիգի Ուզուլավայն մեղադրվում էր Թբիլիսիի զարգացման հիմնադրամից 48 միլիոն լարի յուրացման մեջ: Նշված գործով Թբիլիսիի քաղաքային դատարանը 2018 թվականի փետրվարի 28-ին Ուզուլավային դատապարտել էր մեկ տարի երեք ամսով ազատազրկման, սակայն այդ պատիժը միացվել էր մեկ այլ պատժի հետ: Որոշումը վերին աստիճանի բողոքարկել էր դատախազությունը:

Ընդդիմությունն արդեն դատավճիռը որակել է քաղաքական եւ հայտարարել ընտրական բարենորոգման շուրջ իշխանության հետ բանակցությունների դադարեցման մասին, ինչպես նաեւ սպառնացել է բողոքի ընդգրկումն ակցիաներով:



ԶԲՈՍԱՆԵՐՋԻԿՆԵՐԻ ԹԻՎԸ ՌԵԿՈՐԴԱՅԻՆ Է

Վրաստանի էկոնոմիկայի եւ կայուն զարգացման նախարարության լրատվությամբ, 2020 թվականի հունվարին Վրաստան միջազգային ճանապարհորդների այցերը գերազանցել են 633 հազարը եւ, նախորդ տարվա նույն ժամանակահատվածի համեմատ, ավելացել 19,8 տոկոսով: Ինչ վերաբերում է անմիջական զբոսաշրջային այցերին, ապա նախարարության տվյալներով աճը կազմել է 18,9 տոկոս:

Գերատեսչության լրատվությամբ, ավելացել է Եվրամիության անդամ երկրներից միջազգային ճանապարհորդների թիվը: Հունվարին մեծ աճ է գրանցվել Իտալիայից՝ 133,1, Լեհաստանից՝ 82,9, Ֆրանսիայից՝ 46,8 եւ Լիտվայից՝ 43,7 տոկոս:

ԱՐՏՈՒԹՅՈՒՆՆԵՐ՝ ԱՆԱՎԱՐՑ ԾԻՆԱՐԱՐՈՒԹՅՈՒՆՆԵՐԻՆ

Դադարեցված շինարարությունների գործունեության վերսկսման ժամկետները կրկին երկարաձգվեց: Շինարարական ընկերություններին հնարավորություն չունի մինչեւ 2026 թվականը վերսկսել շինարարական գործընթացը, վերջնականապես կառուցել կիսատ թողած գործընթացն ու բնակարանները հանձնել սեփականատերերին: Նման հազարավոր քաղաքացիներ երկար տարիներ սպասում են իրենց պատկանող բնակարանների օրինականացմանը: Շինարարությունը վերսկսված ընկերություններին որոշ վճարների արտոնություններ կտրվի:

ՎՐԱՍՏԱՆՈՒՄ ԳՐԱՆՑՎԱԾ Է ՄԵԿ ՄԻԼԻՈՆԻՑ ԱՎԵԼԻ ԱՎՏՈՍԵՔԵՆԱ

2020 թվականի հունվարի 31-ի դրությամբ, Վրաստանում «ակտիվ» կարգավիճակով 1 038 730 տրանսպորտային միջոց է գրանցված: Այս մասին տեղեկացնում է ներքին գործերի նախարարությունը: 2019 թվականի դեկտեմբերի 31-ի դրությամբ, Վրաստանում գրանցված էր 1 027 074 տրանսպորտային միջոց, ինչը 11 656-ով պակաս է 2020 թվականի հունվարի 31-ի տվյալներից:

ՆՈՐԱՏՆԻ ՎԱՃԱՌՔԻ ՓԱՏՏՈՎ ԶԵՐԲԱԿԱԼՎԵԼ ԵՆ ՄԱՅՐԸ ԵՎ ԵՎՍ ՅՈՌ ՇՈՌ ՇՈՐԻ

Վրաստանի ֆինանսների նախարարության քննչական ծառայության աշխատակիցները անչափահասների թրաֆիկինգի փաստով ձերբակալել են 7 մարդու:

Գերատեսչության կողմից տարածված հարողդագրության մեջ նշված է, որ ձերբակալվել են հանցավոր խմբի բոլոր անդամներին, ձերբակալվածների թվում են նաեւ երեխայի մայրն ու երկու բժիշկ: Նորածին ժամանակավորապես փոխանցվել են պետական խնամքի եւ

թրաֆիկինգի զոհերի տուժածների օգնության գործակալությանը: Ձերբակալվածներից մեկը վերջին տարիներին դատապարտված է եղել նման հանցագործության համար:

Քննությամբ պարզվել է, որ ձերբակալվածները, անձնական նյութական օգուտ ձեռք

բերելու նպատակով, մտադիր են եղել վաճառել նորածին եւ բաժանել ստացված հասույթը: Հանցագործները, այդ համացանքը կատարելու մտադրությամբ, գտել են այն մարդուն, որը երեխայի համար պատրաստ էր վճարել 13 հազար դոլար:

Հանցագործությունը թաքցնելու նպատակով, նախնական համաձայնությամբ, երեխայի մայրը, հղիության ընթացքում եւ ծննդաբերության ժամանակ

հիվանդանոցում գրանցվել է այլ ազգանվան տակ:

Հետաքննությունն ընթանում է Վրաստանի քրեական օրենսգրքի 143-րդ հոդվածի երրորդ մասով, որը նախատեսում է 14-17 տարվա ազատազրկում:

Փետրվարի 12-ին Թբիլիսիի քաղաքային դատարանը այդ գործով ձերբակալված բոլոր անձանց գրավի դիմաց ազատ արձակեց:

ՎՐԱՍՏԱՆ - ԱՄՆ

ՖԻՆԱՆՍԱԿԱՆ ԱԶԱԿՈՒԹՅՈՒՆ՝ ՌՈՒՄԱԿԱՆ ԱԳՐԵՍԻՎՅԻՆ ԴԻՄԱԿԱՅԵԼՈՒ ՀԱՄԱՐ

ԱՄՆ՝ 2021 թվականի բյուջեն ռազմական օգնության տեսքով, Եվրոպայի եւ Եվրասիայի երկրներին, այդ թվում՝ Վրաստանին ենթադրում է 170 միլիոն դոլարի հատկացում: Այս մասին նշված է ԱՄՆ 2021 թվականի ֆինանսական տարվա բյուջեի օրինագծում:

Փաստաթղթում ասվում է, որ Եվրոպայում եւ Եվրասիայում ռազմավարական անվտանգության առաջնահերթությունները Ռուսաստանի ագրեսիայից եւ ագրեսիայի դեմ բախվել են, դաշնակիցների եւ գործընկերների հնարավորությունների հզորացմամբ, որպեսզի պաշտպանեն ինքնիշխանությունն ու ապահո-

վեն ինքնապաշտպանությունը ՆԱՏՕ-ի եւ Արեւմուտքի այլ ուժերի հետ փոխադարձ համագործակցության բարելավման ճանապարհով, ինչպես նաեւ կայուն պաշտպանության բարեփոխումների իրականացման շնորհիվ:

Փաստաթղթի համաձայն, ֆինանսավորումը կնպաստի հազեցվածության մա-

տակարարմանը եւ զորավարություններին, այդ թվում՝ տակտիկ հազեցվածության ստանալուն հետախուզության եւ զննության համար:

ԱՄՆ 2021 թվականի բյուջեի օրինագծում ֆինանսավորում են ստանալու Վրաստանը, Ուկրաինան, Էստոնիան, Լիտվան, Լատվիան, որոնք հիշատակված են որպես ճակատի առաջնագծի երկրներ:

Վրաստանը 2021 թվականին ԱՄՆ-ից եւս մի քանի միլիոն դոլար կստանա տնտեսության զարգացման համար:

ԱՐՁԱՆԳ

ԱՎԵԼԱՆՈՒՄ Է ԿՈՐՈՆԱՎԻՐՈՒՄԻՑ ՄԱՅԱՑԱԾՆԵՐԻ ԹԻՎԸ, ԹԵՊԵՏ ՀԱՏԱՆՈՒՄ ԵՆ ՆԱԵՎ ԲՈՒԺՎԱԾՆԵՐԸ

Փետրվարի 10-ին Վրաստանի այն քաղաքացիները, որոնք կորոնավիրուսի տարածման պատճառով հայտարարված կարանտինի պայմաններում չէին կարողանում դուրս գալ չինական Յանգզոու քաղաքից, արդեն Թբիլիսիում են Վրաստանի էկոնոմիկայի եւ կայուն զարգացման նախարարի հանձնարարությամբ, նրանք Վրաստան են բերվել Վրաստանի օդանավակայանների միության ջանքերով:

Դեռեւս անցյալ տարվա դեկտեմբերին Չինաստանի Հուբեյ նահանգում տարածված նոր տիպի կորոնավիրուսով (2019-nCoV) վարակման արդյունքում փետվարի 14-ի դրությամբ մահացածների թիվը հասնում է 1486-ի, իսկ վարակվածներինը՝ 64429-ի: Նշենք, որ հիվանդությունից մահացածների շուրջ երեք քառորդը հենց Հյուբեյի նահանգից է: Վերոնշյալին զուգընթաց՝ հուսադրիչ տեղեկատվություն էլ է ներկայացվել: Այսպես, Չինաստանի առողջապահության պետական կոմիտեի տեղեկատվությամբ, Չինաստանում նոր տիպի կորոնավիրուսի հարուցած թոքաբորբից ապաքինվածների բաժինն արդեն հասել է 8,2 տոկոսի, ինչը վկայում է այն մասին, որ բուժումն սկսում է արդյունքներ տալ: Տեղեկատվության մեջ նշված է, որ Չինաստանի մաշտաբով բուժ-

վել է ավելի քան 7 հազար մարդ, բոլոր վարակվածների 8,2 տոկոսը:

Փետրվարի 10-ին Վրաստանում Չինաստանի դեսպան Լի Յանը հատուկ հրավիրված մամուլի ասուլիսում հայտարարեց, որ Չինաստանի եւ Վրաստանի միջեւ սերտ հաղորդակցության եւ համագործակցության միջոցով հնարավոր է կանխել եւ վերահսկել համաճարակը:

Ինչպես նշել է Չինաստանի դեսպանը, Վրաստանը որոշակի ժամանակավոր միջոցներ է ձեռնարկել կանխելու համաճարակի տարածումը, այդ թվում՝ ուղիղ թռիչքների եւ Չինաստանից կենդանիների ներմուծման արգելք: Դեսպանի խոսքով, Վրաստանը անհանգստության պատճառ չունի:

- Համաճարակի զարգացման ֆոնին, վրացական կողմն ընդունել է մի շարք կան-

խարգելիչ միջոցներ, ինչպիսիք են օդանավակայաններում մարմնի ջերմաստիճանի մոնիթորինգը եւ այլն: Հույս ենք հայտնում, որ Չինաստանի եւ Վրաստանի միջեւ սերտ հաղորդակցության եւ համագործակցության միջոցով, մենք կկարողանանք կանխել եւ վերահսկել համաճարակը, - հայտարարեց դեսպանը:

Նրա խոսքով, համաճարակն արդեն իսկ որոշակի բացասական ազդեցություն է ունեցել Չինաստանի եւ Վրաստանի միջեւ երթևեկության, այցերի եւ ներմուծման-արտահանման վրա եւ կարող է ազդել ընթացիկ լայնածավալ տրանսպորտային ենթակառուցվածքային նախագծերի տեմպերի վրա:

- Մենք եւս մեկ անգամ կոչ ենք անում վրացական կողմին ուշադիր ուսումնասի-



րել արդեն իսկ ձեռնարկված ժամանակավոր սահմանափակիչ միջոցները, նվազազույնի հասցնել վնասը, որը կարող է առաջանալ Չինաստանի եւ Վրաստանի համագործակցության մեջ տարբեր ոլորտներում, - նշեց դեսպանը:

Ըստ նրա, Չինաստանը կշարունակի սերտ հաղորդակցությունը Վրաստանի դեսպանատան հետ եւ ակտիվորեն կօգնի Չինաստանում Վրաստանի քաղաքացիներին:

Հիշեցնենք, Վրաստանում կորոնավիրուսի հնարավոր տարածման կանխարգելման նպատակով, հունվարի 29-ից արգելվել են ուղիղ չվերթերը Չինաստանից: ՄԻՄՆ ԿԻԼԱԶԵ

ՀԻՊՈԿՐՈՍԻ ԵՐԴՄԱՆԸ ՀԱՎԱՏԱՐԻՄ

ԱՐՏԱԿԱՐԳ ԻՐԱՎԻՃԱԿՈՒՄ` ՀՐԱՆՔ ՎԻՐԱՀԱՏՈՒԹՅՈՒՆՆԵՐ ԱԽԱՔԱՆԱՔԻ ԶԻՎԱՆԴԱՆՈՅՈՒՄ

Ինչպես հաղորդում է Վրաստանի ՆԳ մամուլի ծառայությունը, փետրվարի 7-ին Ախալքալաքիում գումարդողիների հարսանիքին, մի խումբ երիտասարդների վեճը վերածվեց դանակահարության: Արդյունքում, 21, 23 եւ 26 տարեկան տղաները սրտի եւ որովայնի շրջանում դանակով հասցված վնասվածքներով տեղափոխեցին Ախալքալաքի հիվանդանոց, որտեղ տեղի վիրաբույժները արտակարգ իրավիճակում, գրեթե 10 ժամ տևած վիրահատություններից հետո, կարողացան փրկել նրանց կյանքը:



Ախալքալաքիի հիվանդանոցի բժիշկները, որոնց մեջ չկան սրտաբան վիրաբույժներ, արագ կողմնորոշվեցին. ակնհայտ էր, որ տուժածներին թբիլիսի ողջ հասցնելու հավանականությունը քիչ էր՝ ելնելով ձմեռային ճանապարհների վտանգավոր լինելուց, եւ պետք էր տեղում դիմել կտրուկ միջոցների: Հատուկ սիրտանոթային բաժանմունքի, ինչպես նաեւ մասնագետ սրտաբան վիրաբույժների բացակայության պայմաններում, քաղաքային հիվանդանոցի վիրաբույժներ Գիա Եփրիկյանը, Ռաֆայել Չարչյանը եւ Սուրեն Կարապետյանը, անաստագիտությունը Անահիտ Ապոլյանն ու Սամվել Ազալազյանը հանձն առան միաժամանակ կատարել սրտի երկու ծայրաստիճան բարդ, բաց վիրահատություն: Նրանք հաջողությամբ կատարեցին վիրահատությունները: Երիտասարդներից մեկի վիրահատության ընթացքում, բժիշկները կանխեսցին սրտի կանգը, իրականացրին բաց մերտում՝ վերականգնելով սրտի աշխատանքը: Բացի սրտի վնասվածքներից, տուժածների մոտ հայտնաբերվել էին նաեւ ստամոքսի, աղիքների եւ լյարդի վնասվածքներ: Վիրավորներից մեկի մոտ իրականացվեց նաեւ լյարդի վիրահատություն:

Վիրահատվածներից երկուսն արդեն գտնվում են թբիլիսիում, մեկը շարունակում է մնալ Ախալքալաքիի հիվանդանոցում, երեքի վիճակն էլ բժիշկները գնահատում են կայուն: Մեզ հետ հեռախոսազրույցում «Չապի-ձե» սրտաբանական կլինիկայի դիտորդական խորհրդի նախագահ, Վրաստանի առողջապահության նախկին նախարար (1998-2004թթ.) Ավթանդիլ Ջորբեմաձեն բարձր գնահատական տվեց ախալքալաքիի վիրաբույժների կատարած գործին: - Սրտաբանական բաժանմունքի, սրտաբան մասնագետների բացակայության պայմաններում նման վիրահատություն կատարելը, իրոք սխրանք է, - ասաց Ա.Ջորբեմաձեն: - Թեեւ, որքանով ինչում եմ, այդ հիվանդանոցը նման սխրանքով հայտնի դարձավ նաեւ 2017 թվականին, երբ նույն պայմաններում սրտի բաց վիրահատություն կատարեց հիվանդանոցի գլխավոր բժիշկ Ալեքսան Թորոյանը: Վերջին դեպքը կրկին անգամ փաստեց շրջանում գործող տվյալ հիվանդանոցի բժիշկների անմնացորդ մկրումն ու գերարհեստավորությունը: Համոզված եմ՝ ժամանակն է այդ հիվանդանոցը զինել համապատասխան, այդ թվում սրտաբանական վիրահատությունների համար անհրաժեշտ սարքավորումներով: Ավելացնեմ, որ Ախալքալաքիից եւ Նինոծմինդայից Վրաստանի խորհրդարանի մեծամասնական պատգամավոր Շենգել Սկոյանը, Ախալքալաքիի քաղաքապետ Յուրի Ունանյանը այցելեցին Ախալքալաքիի քաղաքային հիվանդանոց, հանդիպեցին հրաշք-վիրահատությունները կատարած բուժանձնակազմի, ինչպես նաեւ վիրահատված երիտասարդի հետ: Նրանք

բժիշկներին շնորհակալություն հայտնեց արհեստավորին վայել բարձր մակարդակով վիրահատության, քաղաքացիական եւ մասնագիտական պարտքի խոր գիտակցման համար: Վրաստանի ՆԳ նախարարության հաղորդագրությամբ, Ախալքալաքիի ոստիկանության շրջանային վարչության աշխատակիցների անցկացրած օպերատիվ-հետախուզական եւ հետաքննչական գործողությունների արդյունքում, ձերբակալվել է երկու հոգի՝ 1991 թվականին ծնված Ս.Ս.-ն եւ 1991 թվականին ծնված Ս.Ս.-ն երկու կամ ավելի անձին ծանր վնասվածքներ հասցնելու եւ կանխամտածված սպանության փորձի մեղադրանքով: Հետաքննությունը պարզել է, որ մեղադրյալները անձնական հողի վրա, օգտագործելով սառը զենք, մարմնական բազմաթիվ վնասվածքներ են հասցրել 1990 թվականին ծնված Ա.Ա.-ին, 1996 թվականին ծնված Մ.Բ.-ին, 1998 թվականին ծնված Ս.Ա.-ին եւ 1992 թվականին ծնված Ռուսաստանի քաղաքացի Ա.Ա.-ին: Հանցագործությունը ենթադրում է 16-20 տարվա կամ ցմախ ազատազրկում: **ՅՈՒՐԻ ԽՈՐԵՆՅԱՆ**

ԸՆՏՐԱԿԱՆ ՕՐԵՆԱԳՐԻՔ ԻՇԽԱՆՈՒԹՅՈՒՆ-ԸՆԴԴԻՍՈՒԹՅՈՒՆ. ԲԱՆԱԿՑՈՒԹՅՈՒՆՆԵՐՆ ԸՆԴՀԱՏՎՈ՞ՒՄ ԵՆ...

(Ակիզբը՝ 1-ին էջում) Երկուսն (նական) տարբերակը: Չորրորդ հանդիպմանը՝ որպես պատասխան առաջադրած այդ տարբերակին, միացյալ ընդդիմությունը ներկայացրեց մեկ այլ՝ 130/20 տարբերակ, թեպետ այս վերջին նախագծի առաջադրումը թբիլիսիի զարգացման հիմնադրամի գործով թբիլիսիի նախկին քաղաքապետ, «Եվրոպական Վրաստան» կուսակցության ղեկավարներից մեկի՝ Գիգի Ուզուլավայի փետրվարի 10-ին ձերբակալությունից հետո, միացյալ ընդդիմությունը հայտարարեց կառավարող կուսակցության հետ բանակցություններն ընդհատելու մտադրության մասին եւ անցնում են համընդհանուր անհնազանդության մեծ ալիքի նախապատրաստմանը: «Վրացական երազանքի» խորհրդարանական մեծամասնության ղեկավար Մամուկա Մոխնարաձեն ընդդիմախոսներին կոչ արեց համատեղ փոխընդունելի տարբերակի մշակման համար վերադառնալ բանակցությունների սեղան: Հիշեցնեմ, որ եթե մինչեւ փետրվարի վերջը ընտրական օրենսգրքի հաշվով համաձայնության չլինի, ապա, հաշվի առնելով ժամանակի սղությունը, 2020 թվականի խորհրդարանական ընտրությունները կանցկացվեն խառը համամասնական եւ մեծամասնական, նախկինում հաստատված ընտրակարգով: **ԱՐԵՎԻԿ ԿԱՆՈՒԿՅԱՆ**

ՎՐԱՍՏԱՆ - ՀԱՅԱՍՏԱՆ

ՖՈՒՏԲՈՒԼԻ ՖԵԴԵՐԱՑԻԱՆԵՐԻ ԴԵԿԱՎԱՐՆԵՐԻ ՀԱՆԴԻՊՈՒՄԸ



Թբիլիսիում կայացավ Վրաստանի եւ Հայաստանի ֆուտբոլի ֆեդերացիաների ղեկավարների հանդիպումը: Հանդիպմանը, որտեղ վրացական կողմը ներկայացնում էին Վրաստանի ֆուտբոլի ֆեդերացիայի նախագահ Լեւան Կոբիաշվիլին, ֆեդերացիայի առաջին փոխնախագահ Կախա Չունբորիձեն, կազմակերպության փոխնախագահներ Ալեքսանդր Իաշվիլին, Ակակի Ալադաշվիլին եւ ֆեդերացիայի գլխավոր քարտուղար Դավիթ Մուցիրին, իսկ հայկական կողմը՝ Հա-

յաստանի ֆուտբոլի ֆեդերացիայի նախագահ Արմեն Մելիքբեկյանը, ֆեդերացիայի գլխավոր քարտուղար Արթուր Ազարյանը, ֆեդերացիայի դեսպան Խորեն Հովհաննիսյանը եւ կազմակերպության գործկոմի անդամ Կարեն Շաբոյանը, քննարկվեցին Վրաստանի եւ Հայաստանի ֆեդերացիաների միջեւ համագործակցության զարգացման հետագա հեռանկարներն ու փոխհարաբերությունների սերտացման հնարավորությունները: Մասնավորապես, պայմանավորվածություն է ձեռք բերվել մրցավարական խնդիրների համատեղ քննարկման եւ ներքին մրցաշարերի հանդիպումների սպասարկման համար մրցավարների փոխանակման վերաբերյալ: Հանդիպման ընթացքում կողմերը պայմանավորվել են ձեւավորել նաեւ միասնական հատուկ համակարգ, որի շրջանակներում երկու երկրների տղամարդկանց (Մ-14-ից մինչեւ Մ-21) եւ կանանց տարբեր տարիքային հավաքականները կանցկացնեն ընկերական հանդիպումներ:



Advertisement for MYMAGTI. Features the company logo, a large infinity symbol graphic, and promotional text: 'առանց լիմիտի բջջային համացանց Մագթիից', 'օրուգիշեր՝ 1 լարիով *243# OK', 'ողջ շաբաթ՝ 5 լարիով *157# OK'. Contact information includes phone numbers 11 00 11 and 032 217 00 00, website www.magticom.ge, and address in Yerevan.